



Publicaziuns dalla vischnaunca, jamna 3

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2014 - 1051.000

Toni Columberg-van den Heuvel, Via Clis 23, 7180 Disentis/Mustér; sanaziun dalla habitaziun el plaunterren, parcella 540, Via Clis 23, 7180 Disentis/Mustér.

Disentis/Mustér, ils 13 da schaner 2015

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 16 da schaner 2015** allas 20.15 en casa communal.

Tractandas

1. Protocols nr. 16/1- e 16/2-2013/2016
2. Preventiv 2015 (messadis nr. 19- e 19.1-2013/2016)
3. Plan da finanzas 2016–2020 (messadi nr. 19- e 19.1-2013/2016)
4. Regulativ pil menaschi dil Center da sport e cultura: Revisiun parziala (messadi nr. 21-2013/2016)

Il president dil cussegl da vischnaunca

Referendum facultativ spirau

Ils 12 da december 2014 ha il cussegl da vischnaunca approbau la revisiun totala dalla lescha da pumpiers.

Encunter quella decisiun ei enteifer il termin fixau buca vegniu fatg diever dil referendum, aschia ch'ella han contonschiu vigur legala.

La lescha da pumpiers entra igl 1. da schaner 2015 en vigur e vegn suenter l'approbaziun entras l'Assicuranza d'edificis dil Grischun publicada sin la pagina d'internet www.disentis.ch/Downloads/Leschas.

Suprastonza communal

Contribuziuns per la Sibla

Siblus encuera aunc ina ni l'autra contribuziun (glossa) per la gasetta da tscheiver «Sibla 30» che cumpara il fevver 2015. Contribuziun a scret cun il num e l'adressa digl autur san ins tarmetter tochen ils 18 da da schaner 2015 per e-mail siblus@tscheiver.ch, per posta Uniun da tscheiver Mustér, c/o Gion Hosang, Via Plauncas 1, 7180 Disentis/Mustér, per fax 081 544 59 38, ni via la pagina d'internet www.tscheiver.ch.



Til da tscheiver da Mustér Fasnachtsumzug in Disentis

Ils **14 da fevrer 2015** allas 14.00 ei il 36avel til da tscheiver a Mustér. L'Uniun da tscheiver Mustér envida pign e grond, da lunsch e da manaivel da separticipar al til. Nus selegrein sin Vossas annunzias.

Am **14. Februar 2015** um 14.00 Uhr findet der 36. Fasnachtsumzug in Disentis statt. Der Fasnachtverein von Disentis lädt interessierte ein, am Umzug teilzunehmen. Gerne erwarten wir Ihre Anmeldung.

Annunzias a/Anmeldungen an: Gion Hosang, tel. 079 690 97 42, e-mail: gion.hosang@tscheiver.ch, fax 081 544 59 38, internet: www.tscheiver.ch

Uniun samaritana Mustér

Radunonza generala

La radunonza generala statutara ha liug **venderdis, ils 23 da schaner 2015** allas 19.30 el hotel «Alpsu».

Cordialmein envida
la suprastonza

Center sursilvan d'agricultura Medegar animals cun mieds da casa

Discussiun davart il cudisch «Jenzerwurz und Chäslichrut» cun dunna dr. med. vet. Franziska Klarer e Gion Battesta Manetsch, **venderdis, ils 23 da schaner 2015** allas 20.15 el Center sursilvan d'agricultura Mustér.

Entrada libra, collecta. Il cudisch «Jenzerwurz und Chäslichrut» sa vegnir cumpraus directamein dalla autura.

Cordial beinvegni.
www.agricultura.ch.

Gesammeltes Heilpflanzenwissen von Bündner Tierhaltern

Diskussion über die Entstehung des Buches «Jenzerwurz und Chäslichrut» mit Frau Dr. med. vet. Franziska Klarer und Gion Battesta Manetsch, **Freitag, 23. Januar 2015**, 20.15 Uhr im Center sursilvan d'agricultura Disentis/Mustér.

Mummas cun affons pigns

Nus mein a magliar pizza

Venderdis, ils 23 da schaner 2015, allas 19.00 ella «Pizzeria Surselva». Annunzias pren Ada Lutz sut tel. 081 947 61 31 bugen encunter entochen ils 21 da schaner 2015. Mummas e babs ein cordialmein envidai.

Mummas cun affons pigns Mustér



Chor Surselva

Il Chor Surselva envida **sonda, ils 24 da schaner 2015** al concert annual en sala Peter Kaiser. «Canto General y Pasion Flamenca» cun cant, sault, musica e «Tapas». «Tapas y vino» las 18.30, concert las 20.00.

Beinvegni!
Mira inserat!

Gruppa da teater Mustér Nus fagein puspei teater

Premiera, sonda, ils 10 da schaner allas 20.00 en halla Cons. Per ulteriuras infos fagei per plascher atenziun a nies inserat publicau el «Fegl ufficial Surselva».

La gruppa da teater selegra sin Vossa viseta.

Apparats d'udida

Gliendisdis, ils 26 da schaner 2015 saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. Signur Arthur Jacomet fa quei survetsch per tuts interessents gratuitamein.

Cordiala invitaziun
Puntreis, Center da sanadad